

**Zavod zdravstvenog osiguranja
i reosiguranja Federacije
Bosne i Hercegovine
Sarajevo**

Na osnovu člana 104. Zakona o zdravstvenom osiguranju („Službene novine Federacije BiH”, br. 30/97, 07/02,70/08 , 48/11 , 36/18 i 61/22) i odredaba važeće Odluke o listi lijekova fonda solidarnosti Federacije Bosne i Hercegovine, Upravni odbor Zavoda zdravstvenog osiguranja i reosiguranja Federacije BiH, na 133. sjednici od 27.02.2023.godine, d o n o s i

O D L U K U

o izmjenama Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine

I

1. U preambuli Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine, broj:02/I-01-1-1054-1/14 od 11.04.2014.godine i broj: 02/I-01-1-4109-1/19 od 26.11.2019.godine (u daljem tekstu:Odluka o refundaciji troškova nabavke lijekova), riječi i brojevi , u zagradi: „(, Službene novine Federacije BiH ‘, br. 30/97, 07/02,70/08,48/11 i 36/18)’’ zamjenjuju se riječima i brojevima u zagradi: „(, Službene novine Federacije BiH ‘, br. 30/97, 07/02,70/08,48/11 , 36/18 i 61/22)’’.
2. U tački III1. Odluke o refundaciji troškova nabavke lijekova, riječi i brojevi , u zagradi: „(, Službene novine Federacije BiH ‘, broj: 2/98 i 48/99)’’ zamjenjuju se riječima i brojevima u zagradi: „(, Službene novine Federacije BiH ‘, br. 2/98 , 48/99 i 61/22)’’.
3. U tački III2. Odluke o refundaciji troškova nabavke lijekova, riječi: „Upravnom odboru Zavoda zdravstvenog osiguranja i reosiguranja Federacije Bosne i Hercegovine’’ zamjenjuju se riječima: „Federalnom ministarstvu zdravstva”.

II

Ove izmjene su sastavni dio Odluke o refundaciji troškova nabavke lijekova.

III

Ova Odluka stupa na snagu danom donošenja.

Broj: 02/I-01-1-897-1/23
Sarajevo, 27.02.2023. godine



[Signature]
Predsjednica UO
Snježana Bodnaruk, dipl.iur

Obrazloženje

I-Pravni osnov

Pravni osnov je sadržan u članu 104. stav 1. alineja 15. Zakona o zdravstvenom osiguranju i odredbama važeće Odluke o listi lijekova fonda solidarnosti Federacije Bosne i Hercegovine .

II- Razlozi donošenja

Odredbama ove Odluke o izmjenama, izvršeno je usklađivanje sa novim izmjenama Zakona o zdravstvenom osiguranju i novim izmjenama Zakona o upravnom postupku u objavljenim Službenim novinama Federacije BiH.

Takođe odredbama ove Odluke o izmjenama, izvršeno je usklađivanje sa pozitivnim propisima odredbi koje se odnose na organ koji donosi odluku u drugom stepenu po žalbi odnosno kome se podnosi žalba. Naime članom 63. Zakona o zdravstvenom osiguranju precizirano je da se „u postupku rješavanja o pravima iz zdravstvenog osiguranja primjenjuje Zakon o opštem upravnom postupku ako ovim zakonom nije drukčije uređeno“. Takođe članom 41. Pravilnika o načinu ostvarivanja prava iz obaveznog zdravstvenog osiguranja („Službene novine Federacije BiH“ br.31/02 i 20/19), između ostalog je precizirano da „o pravima iz obaveznog zdravstvenog osiguranja koja se ostvaruju na teret sredstava federalnog fonda solidarnosti , u drugom stepenu rješava Federalno ministarstvo zdravstva...“ u skladu sa odredbama Zakona o upravnom postupku, a u kojem, je između ostalog, u članu 224. , precizirano da „o žalbi protiv prvostepenih federalnih organa uprave i federalnih ustanova, rješava federalni organ određen federalnim zakonom“.

III- Obrazloženje pravnih rješenja

U tački I1. ove Odluke o izmjenama izvršene su izmjene u preambuli, Odluke o refundaciji troškova nabavke lijekova na način da je izvršeno usklađivanje sa novim izmjenama Zakona o zdravstvenom osiguranju objavljenim u Službenim novinama Federacije BiH .

U tački I2. ove Odluke o izmjenama izvršene su izmjene u tački III1. Odluke o refundaciji troškova nabavke lijekova na način da je izvršeno usklađivanje sa novim izmjenama Zakona o upravnom postupku objavljenim u Službenim novinama Federacije BiH .

U tački I3. ove Odluke o izmjenama izvršene su izmjene u tački III2. Odluke o refundaciji troškova nabavke lijekova na način da je izvršeno je usklađivanje sa pozitivnim propisima odredbi koje se odnose na organ koji donosi odluku u drugom stepenu po žalbi odnosno kome se podnosi žalba tj. da se žalba podnosi Federalnom ministarstvu zdravstva umjesto , kako je do sada bilo propisano, Upravnom odboru Zavoda zdravstvenog osiguranja i reosiguranja Federacije Bosne i Hercegovine .

U tački II ove Odluke precizirano je da su ove izmjene sastavni dio Odluke o refundaciji troškova nabavke lijekova.

U tački III ove Odluke precizirano je da Odluka stupa na snagu danom donošenja.

IV Finansijska sredstva

Refundacija troškova nabavke lijekova tereti sredstva koja su planirana za lijekove finansijskim planom, a za realizaciju ove Odluke nije potrebno osigurati dodatna finansijska sredstva.